



氏族典第三百五十四卷

裴姓部彙考

鄭樵通志 以邑爲氏

衛邑

裴氏衛大夫食采於裴因氏焉或云本求氏改爲裴望出渤海號略

廖用賢尙友錄 裴姓

裴本仇氏避難改焉又望出渤海今會稽有裴氏

裴姓部列傳

漢 裴仲友

按萬姓統譜仲友漢人

宋 裴承詢

按宋史裴承詢傳承詢越州會稽人居雲門山前十九世無異爨子弟習絃誦鄉里稱其敦睦州以聞詔旌其門閭

裴仲容

按萬姓統譜仲容會稽人事母至孝慶曆中母病亟仲容割骨肉飼母弟仲莊亦將割之聞兄已進乃止母病隨愈時有祥雲覆其家人以爲孝感

裴萬頃

按萬姓統譜萬頃字元量新建人有孝行節操學問粹然一出於正登淳熙進士爲樂平簿清聲播聞遷大理司直力求外補差江西撫幹所著有竹齋詩集

裴由庚 裴黃裳

按萬姓統譜由庚新建人寶慶進士 按萬姓統譜黃裳虔部員外郎

元 裴廷舉

按萬姓統譜廷舉會稽人居雲門至正末兵亂與姪近忠團結其鄉斬木爲鹿角立寨駐日嶺內設強弩聚民守之敵至屢爲所傷後夾攻之遂破與近忠俱被執不屈遇害

明 裴容 裴參 裴恭 裴叔登 裴賢 裴壤 裴仕濂 裴維新

裘忠廉

裘光大

弟光啓

按萬姓統譜容浙江人永樂進士

按萬姓統譜參天台人永樂進士

按萬姓統譜恭台州

人永樂舉人

按萬姓統譜叔登台州人永樂舉人

按萬姓統譜賢安慶人宣德五年任潮

州府通判蒞政公勤愛民如子公退閉門以杜私謁嘗出郊勸農慰勞有方歲太稔卒於官士民哀之 按萬姓統譜壤字本原慈谿人弘治癸丑進士歷叅政 按萬姓統譜仕濂字子憲嵯縣人

嘉靖甲辰進士歷官給事中

按萬姓統譜維新富順人萬曆間宿州判官

按浙江通志忠

廉字忱赤母病目服藥無效每日以舌舐之復明如故邑令爲旌其門

按浙江通志光大字名

達弟光啟字清遠事親能養志母寡居不御簪珥惟戴柏葉一枝母亡種柏成林因名其地爲柏谷

求姓部彙考

鄭樵通志 以名爲氏

求氏姓苑云本仇氏避難改焉後漢有求仲宋朝登科求利忠越州人

求姓部列傳

漢 求仲

按三輔決錄蔣詡隱於杜陵舍中三徑惟羊仲求仲從之游二仲皆挫廉逃名

宋 求移忠 求利忠 求循

按浙江通志移忠嵎人進士官吏部尙書

按萬姓統譜利忠越州人登科

按萬姓統譜循

江陰司理

明 求伯傑 求致 求穎

按萬姓統譜伯傑天台人洪武中任崇仁縣丞以清慎薦知郴州

按萬姓統譜致洪武貢士

按萬姓統譜穎富陽人洪武二十五年貢士

求琰

按萬姓統譜琰字信圭浙江新昌人宣德中授九江府通判蒞政務崇寬厚時推刑者多刻琰曰立法雖嚴行之貴恕民感之不訟值敕建天池寺督役者多擾民訴於琰遂躬督之赴工者欣然忘勞歲歉勸富室出粟賑之民賴全活

歐姓部彙考

廖用賢尙友錄 歐姓

歐平陽商音

歐姓部列傳

周 歐冶子

按萬姓統譜歐冶子善作劍越王聘之作五劍一曰純鉤越王以示薛燭曰光乎如芙蓉始生

漢 歐寶

按尙友錄寶安城人居父喪鄰人格虎虎投其廬中寶以孃衣覆之鄰人問寶寶曰虎豈可念而藏之乎後虎每月送鹿以助祭人以爲孝能格禽獸寶之謂也

宋 歐慶

按萬姓統譜慶乾德人以同三禮出身累官彭州推官知永春縣爲人忠信孝弟居官廉明宗族之孤幼者皆養於家與同邑太傅張士遜屯田郎中戴國忠雖位有崇卑而鄉人稱之無異及卒歐陽

修爲表其墓子世英鄧城公世勛舉進士

歐海

按萬姓統譜海茶陵人楊誠齋名重于時海持所作往見令熟讀語孟丁酉復往見誠齋喜曰子非吳下蒙矣是歲果登第

歐廣

歐質

歐晟

按福州府志廣字少皐閩縣人登淳熙辛丑黃由榜

按福州府志質字少葉閩縣人慶元二年

丙辰登鄒應龍榜

按福州府志晟字宇之閩縣人登寶慶四年文天祥榜

歐道

按萬姓統譜道字性之寧鄉人初舉進士不第遂隱居讀書於泉溪之石岩元將阿里海牙拔潭州欲屠城道卽仗策入軍門勸以勿殺或沮之曰吾以一身膏斧鑕夫何足恤萬一活萬姓之命吾惠溥矣海牙納之辟荊湖行省樞密院掌書記轉中書令史

明 歐善堂

按永州府志善堂普安坊人洪武初李文卿內附餘黨未息平章楊璟駐兵道州議縣北十里外盡屠之善堂總縣事率衆耆老說璟曰兵以輯亂爲功豈可殺無辜璟悟授令旗健馬使止之善堂握旗驟馬一夜馳百五十里植旗其地大兵後至望旗而止居民賴以全活十數萬其後人昌熾洵活人之報耶

歐文通

歐彥貴

歐允思

歐必元

歐復

歐道江

按萬姓統譜文通吳人洪武初以薦授南雄知府公勤撫字慈愛九年陞廣東副使

按靈鄉縣

志彥貴字士英洪武間太學生授山東道御史以廉介聞

按長泰縣志允思善化里人洪武年

貢官終湖廣僉事

按郴州志必元桂陽人洪武吏部主事永樂間告歸適寇陷桂陽罵賊不屈

剖胷而死

按萬姓統譜復平度州人宣德間由舉人來知衡水秩滿百姓連保留之陞從六品

俸仍縣事後致仕去

按萬姓統譜道江長樂人博學洽聞時譽大振四方從遊者無慮數千人

卒門生刑部侍郎王堅爲營墓葬之

歐賢

按延平府志賢永安人穎敏好學知理義正統己巳選入內庭天順改元以長隨轉奉御陞御馬監右監尋遷左少監未幾陞太監英宗遺命司香裕陵越成化甲午改景陵監堂印尋奉敕鎮守居庸關時邊報不寧移鎮陝西辛丑奉勅審錄罪囚多所平反癸卯削平洮賊甲辰關中大饑賢請撥漕運官糧全活者十之五六孝宗卽位賊犯蘭靖地方亟修牆塹斷賊歸路一鼓殲之庚戌囉哩入寇悉擒戮之卒諭祭

### 歐輝

按長泰縣志輝字貞明性剛方甘貧嗜學登正統十三年進士授戶部主事累遷廣東僉事廉介不阿扶弱艾強陞湖廣副使未任卒

### 歐信

按明外史歐信傳信嗣世職金吾右衛指揮使景泰三年以廣東破賊功擢都指揮同知遷大寧都指揮使天順初以都督僉事充叅將守備廣東雷廉諸府巡撫葉盛薦信廉勇進都督同知充副總兵鎮廣西成化元年召還理前府事七年充總兵官鎮守遼東言者謂信已老請召還巡撫彭誼奏

言信年雖六旬騎射勝壯士不宜召回乃鎮守如故久之陳鉞代誼貪功信不能違十四年爲巡按王崇之所劾乃召歸尋遣中官汪直等往按直右鉞歸罪信等鐫一官閒住信飲恨卒

### 歐磐

按明外史歐磐傳磐滁人世職指揮使成化中擢廣東都指揮僉事屢勦蠻寇有功用總督朱英薦充廣西右參將二十三年進都指揮同知弘治初謝病解職總督秦紘乞起磐詔還任八年進都指揮使遷廣西副總兵土官岑濬築石城於丹良莊磐督兵將毀城濬率衆拒擊敗之卒夷其城進都督僉事十五年命鎮守湖廣磐爲將廉能得士久鎮南邦蠻人畏服十八年請老尋卒

### 歐信

按畿輔通志信字孚先薊州人成化甲辰進士授戶部主事奉命賑京西活饑民以萬計爲郎中督餉大同歷浙江參政河南右布政使山東左布政使俱有聲稱後陞右副都御史巡撫大同選將訓兵修舉廢墜未逾年卒

### 歐珠

### 歐經

### 歐洙

### 歐志學

### 歐思誠

### 歐思賢

### 歐煜

按萬姓統譜漳州人弘治進士

按辰州府志經號龍山沅陵人弘治中歲貢授思南府推官

方正嚴明因忤當道遂棄官歸

按吳縣志洙字明甫登正德六年進士歷官御史

按莆田

縣志志學字須靜嘉靖乙酉鄉薦選潮陽知縣興學育才任事歲餘乞歸當道檄留之再歲復請乃致仕所著四書淵源毛詩小見衍義補要等書行於世

按福州府志思誠字純甫連江人薊州

籍中嘉靖乙酉順天舉人己丑進士官衛輝知府

按福州府志思賢字希甫思誠之弟薊州籍

中嘉靖戊子順天舉人壬辰進士官兵部員外郎

按同安縣志煜積善壺橋人平海衛學中萬

曆丙午舉人任獨山州知州廉介耿直不受干請

### 歐子復

按江西通志子復會昌縣學生家極貧父爲賊掠去子復乞貸詣賊壘哀懇贖父回已而父歿遭兵亂負母以逃鬻衣爲食居常奉母極孝養至老不衰萬曆二十二年奉旨旌表

### 歐達勳

按廣東通志達勳西寧人萬曆舉人授膠州知州遇旱步禱輒應蝗災禱卽散去又起大烏食蝗始

盡

歐大任

按明外史黃佐傳佐弟子多以行業自飭而梁有譽歐大任黎民表詩名最著大任字楨伯順德人由歲貢生歷官南京工部郎中年八十而終

歐繼修

按永州府志繼修字二如天啟丁卯舉於鄉聲譽籍籍授融縣令不鞭朴而民從善擢副使歸行李蕭然卜築隱居不問時事以天年終

歐敬竹

按武進縣志敬竹市人也不識字舌短而好大言無生產寓城南弋橋爲人修破扇餬口明末聞變招鄰人飲酒與訣自經死

歐大聰

按廣東通志大聰龍川人母遭疾朝夕齋禱親治湯藥數月不倦母終哭絕方甦孝感練雀來庭廬

墓三載寒無重衣徒跣骨立亂寇過悲之院道扁獎曰明經孝子

歐治

按廣東通志治龍川人百里負米養親父死廬墓三載齋祈母壽母死復廬墓三載泣血淪風有眠岡虎馴蛇伏之應

緱姓部彙考

凌迪知萬姓統譜 緱姓

緱周卿士食采之邑也子孫改爲緱氏漢陳留女子緱玉爲父報仇殺夫氏之黨

王圻續文獻通考 同姓異派

緱氏有二周卿士食采邑以邑氏又渴侯氏改緱氏

緱姓部列傳

後晉 緱進筠

按萬姓統譜進筠南唐汀州刺史

明 縉謙

按明外史強珍傳珍成化二年進士除涇縣知縣擢御史初遼東巡撫陳鉞啟釁召敵敵至務爲欺蔽巡按王崇之劾鉞鉞大恐謀之汪直誣逮崇之下詔獄輸贖及直鉞用兵方論功而敵大入總兵官縉謙等匿不以聞鉞遂入爲戶部尙書珍往巡按請正鉞罪直方自矜有大功聞珍疏怒奏珍所劾皆妄詔謫戍遼東直敗復珍官致仕弘治初起大理少卿明年以右僉都御史巡撫宣府時縉謙已罷珍奏謙才力尙可用請留之於邊給事中言謙數失機珍不應奏保遂改南京右通政

縉賢

按萬姓統譜賢西華人弘治中曹州判官

州姓部彙考

史記 補三皇本紀

炎帝神農氏其後有州甫甘許戲露齊記怡向申呂皆姜姓之後並爲諸侯或分四岳

鄭樵通志 以邑爲氏 晉邑

州氏風俗通云晉有州綽州賓其先食采於州因以爲氏其地今懷州武陟縣是也衛有公子州吁漢有州輔魏有州泰又淳于氏謂之州公其後亦爲州氏姜姓春秋時小國也

州姓部列傳

周 州綽

按左傳襄公十八年冬十月會于魯濟同伐齊十一月丁卯朔入平陰遂從齊師夙沙衛殿殖綽郭最曰子殿國師齊之辱也子姑先乎乃代之殿晉州綽及之射殖綽中肩兩矢夾脰曰止將爲三軍獲不止將取其衷顧曰爲私誓州綽曰有如日乃弛弓而自後縛之其右具丙亦舍兵而縛郭最二十一年州綽出奔齊齊莊公朝指殖綽郭最曰是寡人之雄也州綽曰君以爲雄誰敢不雄然臣不敏平陰之役先二子鳴二十五年崔武子見棠姜而美之遂取之莊公通焉遂弑之賈舉州綽邴師公孫敖封具鐸父襄伊僕堙皆死

州賓 州侯

按姓氏急就篇晉有州賓

按姓氏急就篇晉有州侯

漢州輔

按姓氏急就篇漢有宦者州輔

魏州泰

按魏志諸葛誕傳甘露二年誕反大將軍司馬文王督中外諸軍討之使兗州刺史州泰等簡銳卒爲游軍備外寇吳將朱異以大衆來迎誕等渡黎漿水泰逆與戰摧其鋒

宋州韶

按宋書王素傳汝南州韶字伯和黃門侍郎文孫也築室湖孰之方山徵員外散騎侍郎征北行參軍不起

庸州舒吾

按元結處規州舒吾問元子曰吾聞子多矣竟將何爲對曰雲山幸不求吾是林泉又不責吾非熙然能自全順時而老可矣

勾姓部彙考

廖用賢尚友錄 勾姓

勾勾芒氏之裔自宋建炎以來以避嫌名有易其姓字者紹興進士勾聲是也有更其音者史館修撰勾濤是也加金字者鉤光祖是也加絲者絢紉是也加草者苟諶是也增爲勾龍者如淵是也改爲句者句思是也累世之後不復辯矣

四川總志 氏族譜

勾氏隸新繁隸華陽勾龍氏隸華陽隸陣隸溫江皆祖勾望孔氏七十子曰井疆三國蜀曰扶其裔也唐末有曰惟立以扈衛僖宗爲將軍二子奔會王建攻彭州奔與勇烈侯楊晟死之會匿新繁民間遂隸新繁四世孫士良登慶曆六年第官至朝請大夫七子以賞以第皆有官第二子宗顏官至朝奉大夫第四子宗召與顏之長子濤迭登進士第濤貴在高廟時宰相趙鼎實薦之鼎言蜀有鴻儒可充載筆之任然姓與御名音同臣未敢薦高宗曰勾龍氏古有之遂自涪陵召濤而勾氏著矣濤言事稱上意繇郎曹間歲除給事中大抵以薦士爲己任士因濤薦召凡數十人後多爲名臣唐公文若其一也序其外制集云爾以是爲權相忌遂出除潭州力辭乞祠許之乞歸蜀不許寓居秀